

rats gesagt vnd bekant, das der gardian em eyn sollichs verboten habe; haben mich die rete lassen [sagen], das er burgir so vntuchtig nach²⁾ vnmechtig nicht mache; den thete er eyn sollichs, so wurd es yn vordrisslich vnd [wurden] bestellen, das auch die ewren vnser stat nicht gebrauchen sollen. Abir das der rat abir ich ewern lewten in ewer gerichte ader sunst gewalt welden tun, wer euch das vorbracht hat, der hat euch vnbestendigkeit vorbracht. Vnd was ich hirinne gethon habe, das habe ich getan von des ratis vnd nicht von meinentwegen, vnd wer mir ander zusagt, der thut mir vnrecht. Gescheen am sonnabent noch omnium sanctorum vndir meinem insigil anno 2c. XLIIII^{to}.

Nach einer Abschrift aus dem 16. Jahrl. im Rathsarchiv zu Leipzig.

2) Or. *mach.*

No. 226. 1444.

Rathsverordnung wegen des Gewerbebetriebs der Bäcker.

Itzlichir beckir sal tag bie tage syne banck besetzen, vnde welchen tagk der beckir syne banck, wenne die schauwer dazzu besatz besehn haben, nicht besetz adir besatz hat, der meel in synem huße hat vnde der getreide hette vnde in vrsache nicht meel wolde laßen machen, sal czehen nuwe gr. dem rathe ane alle vrbethe geben; hette der beckir nicht meel, so stehit iß ym an geuerde. Iß sal auch keyn beckir, er sie rich addir arm, mehirdanne drie bir brauwen, die do bir phlegin zcu bruwen vnde der dornoch czu schosse stehit. Welchim beckir sin brot von den vier meistern gesatz wurde, deme sal sin brot in deme huße vnde auch in den bencken gesatz sin, vnde waz der rat setzzyt, daz sal vorlorn syn. Ouch sal keyn beckir keynerley getreide, is sie an korne, an weisse, gersten addir haffer bie sich kouffen, daz er vort vorkouffin wil, sundern czu notdorfft ires backwerkis vnde hantwergis mag eyn iczlichir beckir kouffin so vil ym not ist. Wer auch pffiruchen backin wil addir becket, der sal auch brot vnde semelen backin. Habin auch die beckir eyn bethè vndir sich, die sal ganz abe sin vnde der rad wil die hinfurt nicht haben, vnde itzlich beckir, wil daz der rad nicht glauben, sal sich des entledigen uff den heiligen, daz siè keyn bethè haben. Diß sint alle drie rete eyns wurden durch der gemeyne nucz uff eyn widdirrufen, ouch vnser alden willekor vnde satezunge vnschedelich. Geschen am sonnabende noch nativitatis Mariae Anno 2c. XLIIII^{to} sub Steffano Stuß et suis consulibus¹⁾.

Item welch beckir XII marck czu geschosse stehit, mag drie bir bruwen, item der do czehn marck stehit, der sal auch drie bir bruwen, item der do acht marck stehit, der sal czwey bir bruwen, item der do sechs marck stehit, der sal eyn bir bruwen.

Item so sullen die beckir alle vier wochen vmbe rucken, vnd wenne sie vmbe rucken wullen, so sullen die beschauwer dabie sin.

1) Or. *suorum consulum.*